



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2013. GODINU KLADUŠKE STRANKE PRIVREDNOG PROSPERITETA

Broj: 03-07-6-302/14
Sarajevo, 22. april 2015. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	4
Predmet pregleda i kontrole	4
Cilj pregleda i kontrole	4
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2. PREPORUKE	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Kladaške stranke privrednog prosperiteta za 2013. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Pregledom godišnjeg finansijskog izvještaja za 2013. godinu, utvrđeno je da je Kladaška stranka privrednog prosperiteta prekršila odredbe člana 11. i člana 12.stav (1) i stav (3) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Kladaške stranke privrednog prosperiteta za 2013. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Kladaška stranka privrednog prosperiteta se finansirala iz sljedećih izvora:

Red. br.	Vrsta prihoda	Iznos u KM	Učešće u uk. prih. %
1	Članarina	0,00	0,00%
2	Prilozi fizičkih lica (3-a)	0,00	0,00%
3	Prilozi pravnih lica (3-b)	0,00	0,00%
4	Prihodi od imovine (3-c)	1,43	0,02%
5	Prihodi od pr.lica (3-d)	0,00	0,00%
6	Prihodi od poklona (3-e)	0,00	0,00%
7	Prihodi iz budžeta (3-f)	7.070,76	99,98%
8	Prihodi od propagande (3-g)	0,00	0,00%
9	Ostali prihodi	0,00	0,00%
I	Ukupni prihodi	7.072,19	100,00%
II	Kreditno zaduženje kod banaka	0,00	0,00%
Izvori finansiranja (I+II)		7.072,19	100,00%

U godišnjem finansijskom izvještaju stranka je iskazala ukupne rashode u iznosu od 12.597,62 KM.

2. PREDSTAVLJANJE POLITIČKE STRANKE

Naziv političke stranke: Kladaška stranka privrednog prosperiteta. Skraćeni naziv stranke: KSPP.

Kladaška stranka privrednog prosperiteta upisana je u registar političkih organizacija kod Općinskog suda u Bihaću, rješenjem broj: 027-0-Reg PO-06-00001 od 29.12.2006. godine.

Sjedište političke stranke je u Velikoj Kladaši, Poljanak bb.

Lice ovlašteno za zastupanje stranke je Boris Horvat, predsjednik.

Lice ovlašteno za podnošenje finansijskih izvještaja za 2013. godinu je Almir Jušić.

Prema podacima iz godišnjeg finansijskog izvještaja za 2013. godinu, Kladaška stranka privrednog prosperiteta nema niže nivoe organizovanja.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Kladaške stranke privrednog prosperiteta za 2013. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Kladaške stranke privrednog prosperiteta obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Pregled i kontrola finansijskih izvještaja Kladaške stranke privrednog prosperiteta vršeni su u periodu od 2009. do 2012. godine, nakon kojih su izdati izvještaji o pregledu sa mišljenjem revizora, nalazima i preporukama revizije.

Nakon izvršenog pregleda za 2012. godinu, Služba za reviziju je izdala Izvještaj o pregledu godišnjeg finansijskog izvještaja Kladaške stranke privrednog prosperiteta sa mišljenjem revizora, nalazima revizije i preporukama stranci da uspostavi potpune evidencije o prihodima i rashodima i da finansijske izvještaje podnosi u formi koju je odobrila Centralna izborna komisija Bosne i Hercegovine, odnosno da prihode i rashode iskazuje na način propisan Pravilnikom o godišnjim finansijskim izvještajima političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2013. godinu, utvrđeno je da Kladaška stranka privrednog prosperiteta nije ispoštovala preporuke iz Izvještaja o pregledu godišnjeg finansijskog izvještaja za 2012. godinu.

5. NALAZI I PREPORUKE

5.1. NALAZI

Kladaška stranka privrednog prosperiteta prekršila je odredbe člana 11. i člana 12. stav (1) i stav (3) Zakona o finansiranju političkih stranaka.

Na osnovu obavljenog pregleda, utvrđeno je da Kladaška stranka privrednog prosperiteta nije pravilno evidentirala rashode i obaveze u poslovnim knjigama, čime je prekršila odredbe člana 11. i člana 12. stav (1) Zakona o finansiranju političkih stranaka. Obzirom da je finansijske izvještaje sačinila na osnovu nepotpunih evidencija, stranka je prekršila odredbe člana 12. stav (3) Zakona o finansiranju političkih stranaka i Pravilnika o godišnjim finansijskim izvještajima političkih stranaka.

- (1) Uvidom u finansijsku dokumentaciju, utvrđeno je da su jednom fizičkom licu iz blagajne stranke na ime donacije isplaćena sredstva u iznosu od 1.300,00 KM. Sredstva su isplaćena na osnovu Odluke Predsjednika stranke o isplati novčane donacije broj: 03-10-13 od 20.10.2013. godine.
Obzirom da stranka nije izvršila obračun i plaćanje poreza i doprinosa na sredstva isplaćena fizičkom licu, troškovi i obaveze po ovom osnovu nisu evidentirani u poslovnim knjigama niti iskazani u godišnjem finansijskom izvještaju.
- (2) Pregledom je utvrđeno da Kladaška stranka privrednog prosperiteta nije u poslovnim knjigama pravilno klasifikovala troškove, odnosno da je troškove reprezentacije i troškove materijala iskazala kao troškove ostalih donacija¹. Takođe je utvrđeno da u poslovnim knjigama troškove nije evidentirala na osnovu potpune dokumentacije, odnosno da je troškove evidentirala na osnovu odluka predsjednika stranke i izvještaja, te da ne posjeduje račune za robe i usluge.

¹ Kladaška stranka privrednog prosperiteta je u poslovnim knjigama i godišnjem finansijskom izvještaju iskazala troškove ostalih donacija u ukupnom iznosu od 5.802,10 KM.

Pored navedenog, smatramo da je stranka imala obavezu da obračuna i plati porez i doprinose na sredstva koja su isplaćena fizičkim licima za organizaciju i spremanje ručka, te na sredstva koja su isplaćena licima na osnovu odluka, a za koje nisu dostavljeni računi.

- Uvidom u blagajničke izvještaje i dokumentaciju, utvrđeno je da su troškovi ostalih donacija u iznosu od 1.470,00 KM evidentirani u poslovnim knjigama stranke samo na osnovu Odluke Predsjednika stranke o finansiranju zajedničke proslave, broj: 04-12-13 od 20.12.2013. godine, odnosno Izvještaja od 31.12.2013. godine. Stranka ne posjeduje račune, a prema podacima iz Izvještaja, sredstva su utrošena za zakup, muziku, hranu i piće.
- Kladaška stranka privrednog prosperiteta je, takođe, putem blagajne isplatila sredstva u iznosu od 1.350,00 KM, što je u poslovnim knjigama evidentirano na kontu ostalih donacija. Uvidom u Odluku Predsjednika stranke o isplati sredstava za uređenje sportskog terena, broj: 01-01-13 od 18.01.2013. godine i Izvještaja od 11.02.2013. godine, utvrđeno je da su sredstva u iznosu od 1.001,00 KM utrošena za nabavku sadnica voća, a po Otkupnom bloku br. 3 od 10.02.2013. godine. Prema Izvještaju, ostali iznos sredstava u iznosu 349,00 KM stranka je utrošila za pripremu zemljišta i sadnju nabavljenih sadnica.
- Na osnovu Odluke Predsjednika stranke o isplati sredstava za finansiranje druženja na otvorenom, broj: 02-08-13 od 10.08.2013. godine, iz blagajne stranke su isplaćena sredstva u iznosu od 1.600,00 KM. Od navedenog iznosa, 600,00 KM je isplaćeno na osnovu Otkupnog bloka br. 2 od 14.08.2013. godine, dok za ostali iznos sredstava stranka ne posjeduje račune. Prema Izvještaju od 15.08.2013. godine, sredstva u iznosu od 1.000,00 KM isplaćena su fizičkom licu za organizaciju i spremanje ručka.

Na osnovu navedenog, utvrđeno je da stranka nije u poslovnim knjigama i godišnjem finansijskom izvještaju pravilno iskazala troškove, čime je prekršila odredbe člana 22. Pravilnik o godišnjim finansijskim izvještajima političkih stranaka.

- (3) Pregledom je utvrđeno da stranka nije u obrascu 5 (obaveze političke stranke) godišnjeg finansijskog izvještaja pravilno iskazala obaveze na dan 31.12.2013. godine, čime je prekršila odredbe člana 24. Pravilnika o godišnjim finansijskim izvještajima političkih stranaka.

Naime, stranka je u godišnjem finansijskom izvještaju iskazala obaveze prema dobavljaču „Uni-port“ d.o.o. Velika Kladaša u iznosu od 406,50 KM, dok su prema podacima iz Izvoda otvorenih stavki na dan 31.12.2013. godine, obaveze stranke prema ovom pravnom licu iznosile 845,86 KM.

5.2. PREPORUKE

Preporučuje se Kladaškoj stranci privrednog prosperiteta da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da poslovne knjige vodi u skladu sa računovodstvenim propisima, odnosno da vodi pravilne evidencije o svojim rashodima i obavezama i*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.*

Takođe se preporučuje:

- *da poštuje i druge propise, prevashodno poreske, iz kojih proističu dodatne obaveze i troškovi,*

- *da uvede obavezu vođenja blagajničkih izvještaja na dnevnom nivou uz obavezne priloge (nalog uplate i nalog isplate; dokumenta na osnovu kojih se vrše isplate putem blagajne),²*
- *da poslovanje gotovim novcem svede na najmanju mjeru, te da sredstva isplaćuje sa transakcijskog računa na račune fizičkih i pravnih lica i*
- *da, imajući u vidu da se stranka finansira isključivo sredstvima iz budžeta, prikupljena sredstva troši racionalnije.*

KOMENTAR:

U ostavljenom roku, Kladuška stranka privrednog prosperiteta nije dostavila primjedbe na Preliminarni izvještaj o pregledu godišnjeg finansijskog izvještaja za 2013. godinu.

šef Odsjeka za revizijske poslove, revizor

Sanja Tošović

šef Službe za reviziju

mr.sc Hasida Gušić

² Stranka je blagajničke izvještaje sačinjavala na mjesečnom nivou.